

REGLUGERÐ

um skýrsluskil vegna viðskipta með sjávarafli.

1. gr.

Gildissvið.

Reglugerð þessi tekur til aðila sem stunda viðskipti með afla og forsvarsmanna útgerða vegna viðskipta með afla eða afurðir vinnsluskipa.

2. gr.

Skýrsluskil.

Aðilar samkvæmt 1. gr. skulu gera skýrslur og standa skil á þeim skýrslum til Fiskistofu, allt samkvæmt nánari fyrirmælum reglugerðar þessarar. Skýrslum skal skila á eyðublaði sem Fiskistofa gefur út eða með öðrum hætti sem Fiskistofa samþykkir.

3. gr.

Skilgreiningar.

Í reglugerð þessari er merking eftirfarandi hugtaka svo sem hér segir:

1. *Kaupandi afla*: Aðili sem kaupir afla hvort sem er til vinnslu eða endursölu, þ.m.t. kaup aðila á afla af eigin skipum.
2. *Afli*: Allur sjávarafli sem skylt er að koma með að landi skv. 2. mgr. 2. gr. laga nr. 57, 3. júní 1996, um umgengni um nytjastofna sjávar og reglugerð um nýtingu afla og aukaafurða.
3. *Afurð*: Sjávarafli sem meira hefur verið gert að en blóðga, slægja eða hausa.
4. *Vinnsluskip*: Skip þar sem frekari vinnsla fer fram en blóðgun, slæging eða hausun.
5. *Vinnsluaðili*: Aðili sem annast hvers konar vinnslu afla, aðra en blóðgun, slægingu eða hausun.
6. *Fiskmarkaður*: Uppboðsmarkaður fyrir sjávarafli.

4. gr.

Vigtarskýrsla.

Kaupandi afla skal mánaðarlega skila til Fiskistofu vigtarskýrslu yfir móttekinn afla. Sérstök skýrsla skal gerð vegna hvers söluaðila.

Í vigtarskýrslu skal færa eftirfarandi upplýsingar:

1. Nafn og kennitölu seljanda.
2. Nafn og kennitölu kaupanda.
3. Afhendingardag.
4. Fisktegund.
5. Ástand afla, (slægt, hausað, ísað, heilfryst, hæft/óhæft).
6. Magn tegundar.
7. Kílóverð tegundar.

Ætli kaupandi afla öðrum aðila að annast vinnslu aflans skal tilgreina vinnsluaðila.

Ef afli/afurð er keypt/-ur beint af fiskiskipi skal jafnframt skrá:

8. Nafn skips.
9. Skipaskrárnúmer.
10. Veiðarfæri.
11. Veiðisvæði.
12. Löndunarhöfn.
13. Löndunardag.

Ef afli er keyptur fyrir milligöngu fiskmarkaðar á uppboði þarf ekki að gera grein fyrir verði þess afla í vigtarskýrslu.

5. gr.

Ráðstöfunarskýrsla.

Kaupandi afla skal mánaðarlega skila einni skýrslu sem tilgreinir ráðstöfun keypts afla samkvæmt samanlögðum vigtarskýrslum hans.

Í ráðstöfunarskýrslu skal færa eftirfarandi upplýsingar:

1. Nafn kaupanda.
2. Nafn starfsstöðvar.
3. Ástand afla (slægt, hausað, ísað, heilfryst).
4. Fisktegund.
5. Magn tegundar.
6. Vinnsluaðferð.
7. Birgðir í upphafi tímabils.
8. Fiskkaup á tímabilinu.
9. Sölu óunnins afla (magn):
 - a. Til vinnslustöðvar.
 - b. Til útflutnings í gám.
 - c. Til útflutnings með flugfrakt.
10. Sölu til neyslu innanlands (magn).
11. Birgðastöðu í lok tímabils.

Ef kaupandi framselur afla skal hann skila skýrslu þar sem greint er frá nafni og kennitölu kaupanda afla, afhendingardegi, fisktegund, magni og ástandi afla við sölu.

6. gr.

Kaupandi afla skal eigi síðar en 20. hvers mánaðar senda Fiskistofu skýrslur skv. 4. og 5. gr. vegna undanfarandi mánaðar.

7. gr.

Vinnsluskip.

Útgerð vinnsluskipa skal eigi síðar en 30 dögum eftir að vinnsluskip lýkur veiðiferð og kemur til hafnar senda Fiskistofu skýrslu um magn og verð afla og einstakra afurða sem voru afrakstur veiðiferðar.

Hafi afli/afurðir ekki verið seldur/-ar eða ekki liggur fyrir samningur við kaupanda um verð afla/afurða skal verð þeirra áætlað í samræmi við kjarasamning við áhöfn vinnsluskipisins. Endanlegar upplýsingar um verð skal senda Fiskistofu eigi síðar en 15 dögum eftir sölu.

8. gr.

Fiskmarkaður.

Fiskmarkaður skal mánaðarlega og eigi síðar en 15. hvers mánaðar senda Fiskistofu skýrslu með upplýsingum um seldan afla á uppboði í síðastliðnum mánuði. Þar skulu koma fram eftirfarandi upplýsingar um einstök viðskipti:

1. Nafn fiskmarkaðar og kennitala.
2. Nafn seljanda.
3. Nafn skips og skipaskrárnúmer.
4. VSK-númer seljanda.
5. Nafn löndunarhafnar.
6. Löndunardagur.
7. Söludagur.
8. Fisktegund.
9. Ástand afla, (slægt, hausað, ísað, heilfryst, hæft/óhæft).
10. Nafn útgerðaraðila.
11. Gerð veiðarfæris.
12. Heiti veiðisvæðis.
13. Nafn kaupanda.

14. Magn tegundar.
15. Kílóverð tegundar.

9. gr.

Veiðivottorð til að staðreyna löglegan uppruna afla og afurða.

Þegar ætlunin er að flytja afla eða afurðir af íslensku veiðiskipi inn á markað Evrópusambandsins skal Fiskistofa staðfesta veiðivottorð, sbr. viðaukann „Veiðivottorð Fiskistofu“ sem birtur er með reglugerð þessari. Í veiðivottorði skulu koma fram auk upplýsinga um aflann eða afurðina, nafn skips, skipaskrárnúmer, veiðisvæði, löndunardagur, útgerðaraðili, löndunarhöfn og ákvörðunarstaður aflans eða afurðarinnar.

Útflytjandi er ábyrgur fyrir útgáfu vottorðsins og skal senda Fiskistofu allar nauðsynlegar upplýsingar til staðfestingar á því.

Fiskistofa sér um útgáfu og staðfestingu veiðivottorða samkvæmt þessari grein.

10. gr.

Skýrslur útflytjanda óunnins afla.

Útflytjandi óunnins afla skal mánaðarlega senda til Fiskistofu skýrslu á því formi sem Fiskistofa ákveður, um sölu á aflanum, þar sem tilgreint er magn hvernar fisktegundar, söluverð eftir tegundum, ásamt skipaskrárnúmeri veiðiskips og löndunardegi. Ennfremur skal hann senda Fiskistofu afrit af viðkomandi sölunótum.

11. gr.

Viðurlög.

Brot á reglugerð þessari varða viðurlögum, skv. VI. kafla laga nr. 116/2006, um stjórn fiskveiða, með síðari breytingum og IV. kafla laga nr. 57/1996, um umgengni um nytjastofna sjávar, með síðari breytingum.

Fiskistofu er heimilt að undangenginni skriflegri aðvörun að stöðva útgáfu og staðfestingu veiðivottorða skv. 9. gr. til útflytjenda sem vanrækt hafa skýrsluskil skv. 10. gr.

12. gr.

Gildistaka.

Reglugerð þessi er sett með heimild í 16. gr. og 2. mgr. 17. gr. laga nr. 116, 10. ágúst 2006, um stjórn fiskveiða, með síðari breytingum og 30. gr. laga nr. 57, 3. júní 1996, um umgengni um nytjastofna sjávar, með síðari breytingum. Reglugerð þessi öðlast þegar gildi. Jafnframt fellur úr gildi frá sama tíma reglugerð nr. 910/2001, um skýrsluskil vegna viðskipta með afla, með síðari breytingum.

Atvinnuvega- og nýsköpunarráðuneytinu, 8. nóvember 2013.

F. h. sjávarútvegs- og landbúnaðarráðherra,

Kristján Freyr Helgason.

Brynhildur Benediktsdóttir.

VEIÐIVOTTORÐ

VIÐAUKI



Lýðveldið Ísland

Fiskistofa

Dalshrauni 1, 220 Hafnarfjörður, Ísland

Sími: +354 569 7900 Fax: +354 569 7990

www.fiskistofa.is

Tilvísunarnúmer

Númer veiðivottorðs

Útflutningsland: Ísland
Lögbært yfirvald: Fiskistofa
Skoðunaraðili: Fiskistofa

I. Upplýsingar um viðkomandi sjávarafurðir

II. Uppruni viðkomandi sjávarafurða

Skráningarnúmer og nafn/nöfn fiskiskips/-skipa sem sá affli fékkst á sem lögbært yfirvald heimilar útflutning á, löndunardagur/-dagar aflans sem flytja á út, veiðarfæri, veiðislóð, útgerð fiskiskips og löndunarhöfn:

III. Áfangastaður viðkomandi sjávarafurðar

Nafn og pósthfang sendanda:

Nafn og pósthfang viðtakanda:

IV. Upplýsingar um flutninginn

Flutningstæki (fyllið út viðeigandi reiti)

Útflutningsland: Ísland

Gámur númer:

Nafn skips og fánaland:

Flug númer:

Farmbréfsnúmer:

Nr. 994

8. nóvember 2013

V. Yfirlýsing

Undirritaður fulltrúi lögbærs yfirvalds staðfestir hér með að:

Sjávarafurðir þær sem lýst er hér að ofan eru framleiddar úr afla fyrrnefndra íslenskra fiskiskipa, eða -skips, sem stunda löglegar veiðar skv. íslenskum reglum um fiskveiðistjórnun.

Gjört í Hafnarfirði, 29 des. 2009

(Stafrænt einkenni útflytjanda)

Fiskistofa

Yfirlýsing innflytjanda, innflutningseftirlit og vottorð vegna endurútlutnings (einungis til ESB-notkunar)

Yfirlýsing innflytjanda				
Nafn og pósthfang innflytjanda	Undirskrift	Dagsetning	Innsigli	Afurðartákn í tollskrá
Skjöl skv. 1. og 2. mgr. 14. gr. reglug. (ESB) nr. 1005/2008	Tilvísanir			
Innflutningseftirlit	Staður	Innflutningur samþykktur(*)	Innflutningur stöðvaður(*)	Beðið um staðfestingu
Tollskjöl (ef útfegin)	Nr.		Dagsetning	Staður

ESB-VOTTORÐ VEGNA ENDURÚTLUTNINGS				
Nr. vottorðs	Dagsetning	Aðildarríki		
1. Lýsing á endurútluttri vöru		Þyngd (kg)		
Tegund	Afurðartákn	Frávik frá heildarmagni skv. veiðivottorði		
2. Nafn endurútlutjanda	Póstfang	Undirskrift	Dags.	
3. Yfirvöld				
Nafn/staða	Undirskrift	Dagsetning	Innsigli/Stimpill	
4. Endurútlutningseftirlit				
Staður	Endurútlutningur	Beðið um staðfestingu(*)	Nr. og dagsetn. yfirlýsingar um endurútlutning	
(*) Merkið við það sem við á.				

CATCH CERTIFICATE



Republic of Iceland
Directorate of Fisheries
Dalshraun 1, 220 Hafnarfjörður, Iceland
Tel.+354 569 7900 Fax.+354 569 7990
www.fiskistofa.is

Reference No. Catch Certificate No.

Country of dispatch: Iceland
Competent authority: Directorate of Fisheries
Inspection body: Directorate of Fisheries

I. Details identifying the fishery products

II. Provenance of the fishery products

Registration number(s) and name(s) of the vessel(s) that caught the fishery product(s) authorized for exports by the competent authority, landing date(s) of the catch to be exported, fishing area, operator of the vessel and port of landing:

III. Destination of the fishery products

Name and address of consignor:

Name and address of consignee:

IV. Transportation details

Means of transport (please fill out the appropriate section)

Country of exportation: Iceland

Container no:

Vessel name and flag:

Flight no:

Air waybill no:

Nr. 994

8. nóvember 2013

V. Attestation

The undersigned competent authority hereby certifies that:

The fishery product described above have been obtained from catches of the above Icelandic fishing vessel(s) legally operating in accordance with the Icelandic fisheries management control system (MCS).

Done at Hafnarfjörður, 29 des. 2009

(Electronic identification of exporter)

The Directorate of Fisheries

Importer declaration, import control and re-export certificate (For EC use only)

Importer declaration				
Name and address of importer	Signature	Date	Seal	Product CN code
Documents under Articles 14(1), (2) of Regulation (EC) No 1005/2008	References			
Import control authority	Place	Importation authorised(*)	Importation suspended(*)	Verification requested date(*)
Customs declaration (if issued)	Number		Date	Place

EUROPEAN COMMUNITY RE-EXPORT CERTIFICATE				
Certificate number	Date	Member state		
1. Description of re-exported product		Weight (kg)		
Species	Product code	Balance from total quantity declared in the catch certificate		
2. Name of re-exporter	Address	Signature	Date	
3. Authority				
Name/title	Signature	Date	Seal/stamp	
4. Re-export control				
Place	Re-export authorised(*)	Verification requested(*)	Re-export declaration number and date	
(*) Tick as appropriate				